




GODTHÅB BÅDEFØRENING

MALITTARISASSAT 2022



AALLAQQAASIUT:

Immikkut ataatsimeersuarnermi ingerlanneqartumi maj-ip 4.-ani 2022, malittarisassani allannguutit immikkut ataatsimeersuarnermi akuerineqartut ilanngunneqarput.

1.0 AQQA

1.1 Peqatigiiffiup aqqa tassaavoq "Godthåb Bådeforening".

2.0 ILLOQARFIK ALLAGARTAQARFIK

2.1 Peqatigiiffiup illoqarfik allagartaqarfia tassavoq Nuuk, Kalaallit Nunaat.

3.0 SIUNERTAI

3.1 Peqatigiiffiup siunertai makkuupput:

- Umiatsialiveqarfiup nalinginnaasumik pissusissamisoorumik sikoqangiffiani peqatigiiffiup ilaasortai umiatsialiveqartissallugit sullisissallugillu,
- ilaasortat avammut soqutigisaannik sinniisuuffigissallugit,
- imaatigut angalanermi isumannaatsuunissaq sulissutigissallugu
- ilaasortat allatigut soqutigisaat nakkutigissallugit.

4.0 PEQATIGIIFFIMMI ILAASORTAANEQ

4.1 Kinaluunniit 18-it sinnerlugit ukioqartoq Nuummi nunaqarfiiniluunniit najugaqartoq ilaasortannortinneqarsinnaavoq. Ilaasortaaneq Nuummit aallarnermi, soorlu ukioq naallugu pikkorissassagaanni imaluunniit ilinniariassagaanni assigisaanilluunniit, attatiinnarneqarsinnaavoq siulersuisunit allakkatigut akuerineqarnikkut.

4.2 Peqatigiiffiit, ingerlatsisoqarfiit, suliffeqarfiit kiisalu allat inatsisit malillugit akisussaassuseqartitaasut siulersuisut aalajangiinerat tungavagalugu peqatigiiffimmut ilaasortannortinneqarsinnaapput inuit ataasiakkaat ilaasortatut periarfissaattut ittunik pisussaaffiligaasunik. Inatsisit malillugit akisussaassuseqartitaasut angallammik peqarnissaannaq ingerlataqarnissaannarlu siunertarissannilaat.

4.3 Peqatigiiffimmut ilaasortannorniarneq ilaasortaajunnaarniarnerluunniit peqatigiiffimmut allagaqarluni pissaaq.

4.4 Peqatigiiffiup nalunaarsugaatigissavai ilaasortat aqqi, e-mailii, najugaat, telefoniisa normui kiisalu angallamminnut inissimatitsiffii.

4.5 Ilasortannornermi nuunnermilu ilaasortat pisussaataapput allaganngorlugu peqatigiiffimmut najugarisartik atuuttoq telefonimillu normua nalunaarutigissallugit. Taamaattumik ilaasortap akisussaaffigaa peqatigiiffimmit allakkatigut telefonikkullu attaveqarfigineqarsinnaanini.

4.6 Ataqqinaammik ilaasortannortinniakkat, ilaasortat siulersuisulluunniit inassuteqarnerisigut, ataatsimeersuarnermi ilaasortannortinneqarsinnaapput malittarisassanik allannortitsinermi amerlanerussuteqartitsisarneq naapertorlugu, naleqqiuguk imm. 16. Ataqqinaammik ilaasorta

ilaasortaannermut ukiumoorumik akiliummik akiliineq ajorpoq, naleqqiuguk

7.1, inuuninilu naallugu peqatigiiffimmi ilaasortaasussaalluni. Ataqqinaammik ilaasortaasoq ataatsimeersuarnermi peqataasinnaatitaallunilu

taaseqataasinnaatitaavoq. Ataqqinaammik ilaasortat aamma ilaasortavittut allatut piginnaatitaaffeqarput.

4.7. Peqatigiiffik tapersersuisutut ilaasortanik ilaasortanngartitsisinnaavoq, ilaasortaanermut akiliummik akiliuteqartinneqartunik. Tapersersuisutut ilaasortat oqaaseqarsinnaatitaapput, kisiannili peqatigiiffiup ataatsimeersuarnerani taasisinnaatitaanatik aammalu peqatigiiffimmiit siulersuisunut taaneqarsinnaanatik. Ullormi ilaasortanngorfimmit aallartittumik angallammik inissiisinnaanermut atatillugu ilaasortaassutsip sivirususianik aallaaveqartumik tullerriaaraluni inissitsiterisarnermi peqataalissalluni.

5.0 ANGALLAMMUT INISSISIMATITSIFFISSALIGAASARNEQ

5.1 Peqatigiiffiup ilaasortaannavii peqatigiiffiup puttasulianik umiatsialiviinut inissiiffissaligaasinnaatitaapput. Ilaasortat angallatiminnut inissiimatitsiffissaligaanissaminnik piumasaqarsinnaapput aatsaat erfalasuaqqamik amusisoqareertillugu imaluunniit angallataatileqarfiup pisortaata angallatit inissaminnut innissinnissaat pisinnaatilereeraangagu.

5.2 Peqatigiiffimmi ilaasortat tamarmik nal. 4.1 aammalu 4.2 immikkut peqatigiiffiup puttasuliaani umiatsialivimmik ataatsimik pisassaqaassapput (taamaattoq takuuk imm. 5.6 utaqqisoqarnermut tunngasoq) siulersuisut angallataatileqarfiullu pi-sortaata puttasuliamut umiatsialivimmut angallatip qanoq ittuussusianut angissusianullu illersorneqarsinnaalluni naapertuuttumik.

5.3 Angallat inunnit arlariinnit peqatigiissunit pigineqarpat ilaat ataaseq inissiiffeqartutut nalunaarsukkanut ilanngunneqassaaq, aappaalu sinneriluunniit tapersersuisutut nalunaarsorneqassallutik. Piginneqatigiittut ataatsimik taasisinnaatitaapput, ilaasortavittullu nalunaarsorneqarsimasumit ingerlanneqassaaq aammalu peqatigiiffimmi ataasiinnarmik umiatsiamut inissaqartitsissalluni.

5.4 Taamaallaat angallammut inissiiffiliisoqarsinnaavoq inissiiffissamut akiliisimanermut ilaasortaanermut akiliummik akiliisimanermut uppernarsaammik, kinaassutsimut uppernaarsaammik assitalimmik kiisalu angallatip atuuttumik akisussaanermut sillimmaserneranut akilersimaneranullu uppernarsaatinik takutitsisoqarsinnaappat. Piumasarineqarportaaq angallammut inissiiffimmut piginnittoq / piginnittut sillimmasiisorlu / sillimmasiisullu angallammut sillimmasiissut naapertorlugu taannaasoq / taakkuusut.

5.5 Peqatigiiffiup akiliinissamut piumasaqaatai atuuttut malillugit ilaasortaangallammut inissamik tunineqarsimangitsoq inissap akilersimaneranut, ilaasortaanermut aammalu sillimmasiisimanermut uppernarsaammik nittarsaassisinnaangippat, inissaq aalajangiiffigissallugu peqatigiiffik pisinnaatitaavoq. Taamaalilluni peqatigiiffik pisinnaatitaavoq piginnittumut akiligassanngortitsilluni akisussaatitsillunilu angallat piissallugu. Angallat qaqinneqassaaq inissinneqassallunilu inissiivissiamut kommunimit innersuussutigineqartumut peqatigiiffiulluunniit inissiiffiutaanut pinngitsoorani ungaluligaanissaanik piumasaqarfiunngitsumut. Imaluunniit angallat puttaqummut pituffissiamut pitunneqaannarsinnaavoq kisaannarneqarsinnaalluniluunniit, tamaginni peqatigiiffimmit akisussaaffigineqanngitsunut.

5.6 Peqatigiiffimmi ilaasortat angallammut inissiiviliiniartut angallammut inissiiffissaqassusermit amerlaneruppata utaqqisut siulersuisut sinnerlugit angallataatileqarfiup pisortaanit peqatigiiffiup ilaasortaanit takuneqarsinnaasunik allattorsimaffiliorneqassapput.

5.7 Pissutsit ajornartinnikkaangassuk angallataatillit avataanit aggersut utaqqiisaasumik angallaminnut inissiiffissaminnik innersuussiffigineqarsinnaasassapput. Tamanna taamaallaat pisinnaavoq angallataatileqarfiup pisortaata iliuseqartitaaneratigut.

6.0 AKISUSSAANEQ, ANGALLATINUT PUTTASULIANI AJOQUSERNERIT IL. IL.

6.1 Immikkut ittumik pisoqarneranik aallaaveqartumik imaani nunamiluunniit angallatit aserornerinut, taagorneqartuinnarnuunngissinnaasumik, soorlu ikuallannernit, aserorterinernit, anorimit artorsartitaanernit, sermersoornerit allanillu pisunut peqatigiiffik sunilluunniit akisussaaffeqarumangilaq.

6.2 Aammattaq illersorneqarsinnaanngitsumik pituttuineranut, angallatit akornanni naammangitsumik attuussarnaveeqqusiinernut allanullu pisunut, taagorneqartuinnarnuunngissinnaasumik, peqatigiiffik akisussaaffeqarumangilaq.

6.3 Peqatigiiffimmi ilaasortaq nammineq isummani nalilersuininilu tunngavigalugit ajoqusersinnaanermut atortullu innarlarsinnaanerannut sillimmasiissaaq.

6.4 Ilaasortaanngitsunut, akiligassalinnut, ilaasortaaajunnaarsitaasimasunut ilaasortanulluunniit peqatigiiffiup angallatinut puttasuliaanik malittarisassanik unioqqutitsillutik atuisunut peqatigiiffik akisussaananani angallatinik pineqartunik puttasulianit naammineerluni allanulluunniit isumagitillugit peersitsisinnaatitaavoq angallatip piginnittuanut akiligassanngorlugu, naleqq. imm. 5.5.

6.5 Puttasulianut angallatinullu allanut ajoqusiinernut matussutissaqarumalluni angallatit peqatigiiffiup puttasulianik umiatsialiviinut inissikkumaneqartut sillimmasiinermi aalajangersakkat atuuttut malillugit akisussaananermut sillimmaserneqarsimassapput.

7.0 ILAASORTANNGORNERMUT AKILIUT, ILAASORTAT AKILIUTAAT, ANGALLAMMUT INISSIUFFIMMIK ATORNERMUT AKILIUT IL.IL.

7.1 Peqatigiiffimmut ilaasortaanermut akiliutit ima aalajangiiffigineqarsimapput:

Ilaasortaviit ilaasortanngornermut akiliissapput, ukiumut akiliissallutik, kiisalu inissamut attartornermut.

Tapersersuisut ukiumut akiliissapput.

Tapersersueqataasut ukiumut akiliissapput.


7.2 Ilaasortanngornermut akiliut, ukiumoortumik akiliut tapersersuisutut ilaasortaanermut akiliut kiisalu tapersersueqataasutut akiliut, angallammullu inissiiffimmik atornermut akiliut ileqqusumik ataatsimeersuarnermi angissusilerlugit aalajangiiffigineqartassapput tamatumalu kinguinngua akileqquneqassallutik.

7.3 Taakkua saniatigut siulersuisut immikkut iliuseqarnermut il.il. immikkut akiliuteqaqqusisinnaapput.

7.4 Ukiuunerani nunami, peqatigiiffiup atugarisaani, inissiineq akilerneqassaaq. Ukiuunerani nunami inissap akissaa ileqqusumik ataatsimeersuaartoqarnerani aalajangerneqartassaaq, novemberillu ingerlanerani akiligassiissutigineqassalluni.

7.5 Ilaasortanngornermut akiliut uterteqquneqarsinnaanngilaq.

7.6 Angallammut inissiiffiliisoqarsimagaluarpuunniit ukiumoortumik akiliut imaluunniit tapersersueqataasutut akiliut, taamaallaat ataqqinaammik



ilaasortat pinnatik, ilaasortanit tamanit akilerneqassaaq. Ukiuortumik akiliut ukiup ingerlanerani tunuarnermi utertinneqarsinnaangilaq.

7.7 Angallammut inissiiffimmik atornermut akiliut peqatigiiffiup puttasuliaani pituffimmut akiliutaavoq (ataatsimeersuarnermi aalajangigaq) kvadratmeterimut naatsorsuinikkut akeqartitaq (angallatip takissusia x silissusia). Angallatit uuttorneqartarnerannik malittarisassiat erseqqissakkat siulersuisut tunngavissiuuttarpaat peqatigiiffiullu naqitertittagaanut imaluunniit ukiuortumik nalunaarummut ilanngunnissaat isumagisarlugu. Siulersuisut piginnaatitaapput qanorluunniit ilinikkut naatsorsuinerimik tunngavissianik allangortitsinissamut. Naatsorsueriaasinngortitaq atuuttussanngortitaasarpog, soorluttaaq angallammut inissiiffimmik atornermut, akiliutip angissusissaanut siulersuisunit naatsorsueriaasinngortitaasoq atuuttussanngortitaasartoq. Angallammut inissiiffimmik attartornermut akiliutaareersoq singitsinngitsoornermi utertinneqarsinnaangilaq.

8.0 UMIATSIALIVEQARFIMMI MALITTARISASSAT

8.0.1 Umiatsialiveqarfimmi malittarisassat siulersuisut suliarissavaat.

8.1 SULISUT

8.1.1 Angallataatileqarfiup pisortaata aalajangiineri innersuussutaaluunniit pinngitsooratik malinneqassapput.

8.1.2 Angallataatileqarfiup pisortaata aalajangiussaa innersuussutaaluunniit allakkatigit siulersuisunut maalaarutigineqarsinnaavoq. Maalaarut kinguartitsinerimik sunniuteqarsinnaangilaq.

8.1.3 Angallataatileqarfiup pisortaata ilaasortat mianersoqqusummik tunisinnaavai. Iliuseqaqqinnerit siulersuisunut nalunaarutigineqassapput, tassanilu peersitsinissatut imaluunniit ilaasortaajunaarsitsinissatut suliarineqarsinnaallutik.

8.1.4 Umiatsialiveqarfimmi malittarisassanik sakkortuunik unioqqutitsinerit imaluunniit angallataatileqarfiup sulisuinik ajortumeerinerit ingerlaannartumik ukiup sinneranut peersitaanermik imaluunniit ilaasortaajunaarsitaanermik kinguneqartinneqarsinnaapput.

8.2. PEQOISSAARNISSAMIK MALITTARISASSAT

8.2.1 Peqatigiiffiup puttasuutaanut nunamulluunniit inissitaanut sunilluunniit igitsinissaq inerteqqutaalluinnarpoq. Igitassat eqqaavinnut iginneqartassapput.

8.2.2 Angallatit anartarfiisa umiatsialiveqarfimmi imaarnissaat inerteqqutaalluinnarpoq.

8.2.3 Puttasuliaqarfinni orsussanik nussuineq inerteqqutaalluinnarpoq, puttasuliat puttaqutaasa benziina, uulia petruuliulu sapermassuk.

8.2.4 Ikuallattooratarsinnaaneq qaartooratarsinnaanerlu pissutigalugit angallatit peqatigiiffiup puttasuliaani umiatsialiviinniitillugit orsorsorneqaqqusaanngillat.

8.2.5 Uuliakut angallataatileqarfiup pisortaanut peqatigiiffiup illuutaani tunniunneqassapput, taassuma isumannaatsumik uuliakuusivimmut kuissammagit. Umiatsialiveqarfimmi eqqaavissiaanngitsunut uuliakunik kueraaneq inerteqqutaalluinnarpoq. Uuliamik akoqartunik puttasoaqarfiup iluani eqqaanilu kuisinanilu igitsisoqaqqusaanngilluinnarpoq. Igitassat allat

ulorianartut mingutsitsisinnaasullu, soorlu batteriit akkumulatorillu puttasulianut umiatsialiveqarfimmulluunniit inisseqqusaangillat Sermersuulli Kommuneata eqqaaveqarfianut tunniunneqassallutik.

8.2.6 Usingiaanermi piareersaanermilu pisariaqartut saniatigut angallatinut atortut, piniutit, pisat il.il. puttasuliani uningaannartitaassangillat.

8.2.7 Umiatsialiveqarfiup imartaani ingerlaneq sallaatsunnguamik pisassaaq maligaaliortitsiffiusassananilu orraatitsisumik. Tamatuminnga unioqqutitsinerit angallataatileqafiup pisortaanit siulersuisunut nalunaarutigineqarlutik suliassangortinneqartassapput. Soqutigitaatsumik ingerlanerit sumiginnarneqassangillat peersitaanermillu imaluunniit ilaasortaaajunaarsitaanermik kinguneqartinneqassallutik.

8.2.8 Puttasuliat akornanni akunnisiuineri sapinngisamik annertunerpaamik mianersorneq takutinneqartassaaq, pisariaqartillugu sarpissorani persaqquusiisoqartassalluni.

8.2.9 Meeqqat puttasuliani pinnguarnissaat umiatsialiveqarfimmilu umiatsiaasarnissaat inerteqqutaavoq. Meeqqat 14-it inorlugit ukiullit taamaallaat inersimasunik ilaqarlutik puttasuniissinnaatitaapput.

8.2.10 Maleruagassanik qulaani immikkoortortami 8.2.7.-mi taaneqartunik unioqqutitsisoqassappat, taamatut pissusilersortoqartarnissa killilersimaarniarlugu angallammik piginnittoq mianersoqqussummik tunniussivigineqassaaq, aappassaanik unioqqutitsinermik takutitaqaqqissappat angallammik piginnittoq akileeqqusissummik kr. 1.000,00 –mik angissusilikkamik akiligassinneqassaaq peqatigiiffimmut nakkartussamik. Pingajussaannillu unioqqutitsinermik takutitaqarpat, peqatigiiffimmiit ilaasortaaajunnaarsinneqassaaq ukioq kaajallallugu sivisussusilimmik.

8.3 ANGALLATIT ANGALLATINULLU INISSIFFIIT

8.3.1 Ilaasortat angallammut taamaallaat inissiiffissamik pissarsisinnaapput angallatip uuttuutaatut angissusianillu umiatsialiveqarfimmut pilersaarusiorneq sioqqullugu nalunaarutigineqartunut naapertuuppata. Attuussarnaveeqquteqarfiit angallatit qanoq ittuunerannut naleqqussarneqassapput. Angallataatileqarfiup pisortaata nalilissavaa attuussarnaveeqquteqarfissaq qanoq atitutigissanersoq, minnerpaamilli 30 cm-iussaaq.

8.3.2 Angallataatileqarfiup pisortaa akuersisimatinnagu angallammut inissiiffiit paarlaannissat inerteqqutaavoq. Unioqqutitsineq ukiumut angallanerup sinneranut ataavartumilluunniit peersitaanermik kinguneqarsinnaavoq.

8.3.3 Ilaasortat angallammut inissiiffimmik tunineqareersimasut nutaamik angallatitaarnertik siumoortumik angallataatileqafiup pisortaanut nalunaarutigissavaat. Pissutsit atuuttut ajornartinngippassuk angallataatileqarfiup pisortaa angallammut inissiiffimmik allamik innersuussisinnaassaaq.

8.3.4 Angallataatileqarfiup pisortaata ilaasortaq angallammut inissiiffimmik allamik innersuussinnaavaa: a) angallatip inissinnera pissusissamisunngippat b) allamut inissinnissaq ataatsimut isigalugu pitsaanerussappat, imaluunniit c) taamaaliornissamut pissutsit angallataatileqarfiup pisortaata missingersuinera malillugu akornutissartaqanngippata. Angallataatileqarfiup pisortaata aalajangiinera maalaarutigineqarsinnaangilaq.

8.3.5 Angallatit peqatigiiffiup puttasulianik umiatsiviliviini inissisimasut

tamarmik ilaasortaanermut allagartanik illersorneqarsinnaasumik pitsassusilinnik erseqqissumullu peqatigiiffiup ilitersuussutai malillugit ikkussivigineqarsimassapput. Angallatit ilaasortaanermut allagartaqanngitsut, angallatit inuttaqanngitsut unioqquitsisumilluunniit inissinneqarsimasut, siumut ilisimatitseqqaarani peersinneqarsinnaapput angallataatileqarfiup pisortaata iliuuseqarneratigut angallataatilimmu akiligassanngorlugu, naleqq. imm. 5.5. Angallataatillip ilaasortaanermut allagartani tammaruniuk piaarnerpaamik angallataatileqarfiup pisortaa ilisimatissavaa.

8.3.6 Angallatit tamarmik umiatsialiveqarfimmu ataatsimiititaliamit / angallataatileqarfiup pisortaanit uuttortarneqarsinnaassapput inissiffimmik attartornermut akiliutip naatsorsornissaa siunertarlugu.

8.3.7 Angallammut inissiiffik atuutilersinnaanngilaq peqatigiiffimmu akiligassat tamakkerlugit akilersimatinnagit, aamma angallat sillimmasiinermut aalajangersakkat atuuttut malillugit akisussaanermu sillimmasersimatinnagu, taannalu akilersimatinnagu. Angallammut inissiffissap normussaa taamaallaat tunniunneqarsinnaavoq peqatigiiffimmu akiligassap kiisalu akisussaanermu sillimmasiissutip akilersimanerinu uppersaammik takutitsinikkut. Angallammut inissiiffissap normua tunniunneqareerpat angallammut inissiiffik ilaasortamit atorneqarsinnaalissaaq.

8.3.8 Angallatinu inissiiffissiat innersuussutaasut eqqaanni angallataatillit peqatigiiffiata umiatsialiveqarfiata imartorumarumangani kisartortoqartarnissaa inerteqqutaavoq, allakkut naleqq. 5.5 aamma 6.5.

8.3.9 Ukiuunerani inissamik isumaqatigiilluni paarlaanneq imaluunniit tunniussineq angallataatileqarfiup pisortaata akuerinngippagu inerteqqutaavoq. Unioqquitsineq ukiuunerani inissamik arsaarinnissuteqarnermik kinguneqassaaq.

8.4 PITUTTUINEQ

8.4.1 Puttasuliat isuinu aamma angallatinu puttasuliat ikaartarfiinu pituttuinissaa inerteqqutaalluinnarpoq. Pituttuinermi qulakkeertariaqarportaaq angallatinu puttasuliat ajornanngitsumik aqutiginissaat. Unioqquitsinerit ukiup angallaviup sinneranu piaarnerpaamik peersitaanermik kinguneqarsinnaavoq.

8.4.2 Angallatit ataasiakkaat qajannaatsumik pissusissamisoortumillu pituttorneqartassapput. Minnerpaamik angallat siumigut aqumigullu pitunneqartassaaq. Aquanut pituutaq puttasuliamu pitunneqassaaq sapinngisamik ajornanngippallu angallammit ungasinnerpaatillugu. Angallat naammaginartumik attuussarnaveeqqusersimassaaq, tamannalu pisassaaq attuussarnaveeqqutit anorlerluartillugu qangattarsinnaajunnaarlugit.

8.4.3 Angallataatileqarfiup pisortaata pittuinerit attuussarnaveeqqutillu ikkusimaneri naammaginanngitsutut isigigunigit, angallatit ataasiakkaat allunaasanik attuussarnaveeqqutinillu nammineerluni pilersorsinnaavai. Suliamu taamaattumut atortunillu atuinernu ilaasortaq pineqartoq akit peqatigiiffiup siulersuisuisa aalajangigaat malillugit annertussusilinnik akileeqquneqassaaq. Akiliinngitsoorneq ilaasortaanermu akiliummik imaluunniit angallammut inissiiffimmik attartornermut akiliummik akiliinngitsoornertut sunniuteqassaaq.

8.4.4 Illersorneqarsinnaanngitsumik pituttuisimanerup

attuussarnaveeqqusiisimanerullu kingunerisaanik peqatigiiffiup atortuutaanut ilaasortallu allat umiatsiaannut ajoqusiinernut ilaasortaq nammineq akisussaavoq.

8.4.5 Umiatsiap naqqatigut pituutaliinissaq inerteqqutaavoq. Vaajarit sisaat, kitsat kitsingilluunniit pituttuutigalugit atorneqassanngillattaaq.

8.4.6 Umiatsiaaqqat kalitat gummibådillu pitunneqartassapput sanilip angallamminut inissiiffianut pisussaajunnaarlugit, kiisalu akornusersuinaveersaartinneqassallutik. Umiatsiaaqqap kalitap angissusiata meterit 3-t (10 fod) sinnersimassanngilai. Angallataatileqarfiup pisortaa umiatsiaaqqat kalitat pillugit angallammut inissiiffimmik immikkut innersuussisinnaavoq. Umiatsiaaqqat kalittakkat aamma gummibåditi puttasuniitinneqassanngillat.

9.0 TALITTARFIIT PUTTASULIAT QAQITTARNERI

9.1. Peqatigiiffiup talittarfiutaasa puttasuliat qaqinnissaat pequtigalugu angallatit piarneqareersimassapput kingusinnerpaamik novembarimi pingasunngornerup aappaani nal. 8.00. Tassannga immikkut ittumik akuersissuteqarnissaq siulersuisut nalunaarutigisinnaavaat.

9.2. Piffissaliussaasoq taanna qaangerneqarpat akiliisitsissummik kr. 1.000,00-inik annertussusilimmik ilaasortanut pineqartunut siulersuisut akileeqqusissapput. Angallataatileqarfiup pisortaata angallat piissavaa ilaasortamit akiligassanngorlugu akisussaaffigitillugulu, naleqq. imm. 6.5 aamma 5.5.

9.3. Piffissaliussaasoq taanna qaangerneqarpat akiliisitsissummik ilaasortanut pineqartunut siulersuisut akileeqqusisinaapput minnerpaamik ukiumi ataatsimi angallammut inissiiffimmik atornermut naleqartumik. Angallataatileqarfiup pisortaata angallat piissavaa ilaasortamit akiligassanngorlugu akisussaaffigitillugulu, naleqq. imm. 6.5 aamma 5.5.

9.4. Akiliisitsissutissaq akiligassanngortitsinerup kingorna piaarnerpaamik akileqquneqassaaq akilerneqassallunilu kingusinnerpaamik angallatip qaqinneqarneraniit ullut 14-it qaangiutsinnagit, akiliinngitsoornerlu ilaasortaanermi akiliisitsissutissamik imaluunniit angallammut inissiiffimmik atornermut akiliinngitsoornertulli sunniuteqassaaq.

10.0 ILAASORTAAJUNNAARSITSINEQ AAMMA PEEQQUSINEQ

10.1. Ilaasortaajunnaarsitsineq isumaqarpoq ilaasortavittut tapersersuisutulluunniit ilaasortaanermit peersitaanermik, peqatigiiffiup pigisaanik atuisinnaajunnaarsitaalluni peqatigiiffimmiluunniit ingerlatsinernut peqataasussaajunnaarluni. Ilaasortaajunnaarsitsineq sivisussusiligaasumik atuuttussanngortinneqarsinnaavoq. Peeqqusineq isumaqarpoq piffissami aalajangikkami angallammut inissiiffimmeeqqusiunnaarnermik.

Ilaasortaajunnarsinneqartut peeqquneqartulluunniit peqatigiiffimmut akiliutiminnik tamakkiisumik ilaannaanilluunniit utertitsequsisinnaanngillat. Ilaasortat peqatigiiffimmut akiligassallit malittarisassat atuuttuusut malillugit peqatigiiffimmit piffissaliunneqartup iluani akiliinngippata ilaasortaajunnaarsinneqarsinnaapput.

10.2. Ilaasortap sukkulluunniit peqatigiiffiup malittarisassai imaluunniit siulersuisut peqqissaarnissamik malittarisassiaat unioqqtikkunigit suusupagalugilluunniit, siulersuisut tamarmiusut amerlanerussuteqartut aalajangernerisigut ilaasortaq pineqartoq ilaasortaajunnaarsinneqarsinnaavoq.

- 10.3. Ilaasortaajunnaartitaasorli peqatigiiffiup ukiumoortumik ataatsimeersuarnerani tulliuuttumi piginnaatitaavoq misilissallugu ataatsimeersuartut ilaasortaajunnaarsitsineq akueerisinnaaneraat.
- 10.4. Ilaasortap ukiumoortumik ataatsimeersuarnermi misilinneqarnissamik kissaateqarnera malitseqartinneqarsinnaanngilaq.
- 10.5. Imm. 10.3 aamma 10.4 atuutsinneqassapputtaaq ilaasortamut siulersuisunit angallataatileqarfiulluunnit pisortaanit angallammut inissiiffimmit peersitaasimasumut.

11.0 ATAATSIMEERSUARNEQ

- 11.1 Piginnaatitaaneq, sumiiffik ataatsimiigiaqqusissullu
- 11.1.1 Ataatsimeersuarneq oqartussaasut qullersaraat inatsiseqartitsinikkut aamma malittarisassani ukunani killiliussat aalajangersakkani peqatigiiffiup susassaqrifiini tamani.
- 11.1.2 Peqatigiiffiup ileqquusumik ataatsimeersuarnera Nuummi ingerlanneqassaaq ataatsimeersuariaqqusissullu ataatsimeersuarnissap ullua sivikinnerpaamik ullunik 21-inik sioqqullugu pissaaq ilaasortanut tamanut allakkanik nassiussaqrarnikkut, peqatigiiffimmi ilaasortat nalunaarsorsimaffianni najukkatut allanneqarsimasut tunngavigalugit saniatigullu tusagassiutit aqutugalugit nalunaaruteqarnikkut/ nalunaaruteqarnertigut.
- 11.1.3 Peqatigiiffiup ileqquusumik ataatsimeersuarnera marsip qaammataa naatinnagu pissaaq.
- 11.1.4 Allakkatigut ataatsimiigiaqqussusiami ilaassapput ullormut oqaluuserisassat allanneri, naatsorsuutit kukkunersiukkat kiisalu siunnersuutit tiguneqarsimasut oqaluuserineqartussat pillugit naatsumik nassuiaasiaq.
- 11.1.5 Siunnersuutit suli allat ileqquusumik ataatsimeersuarnermi oqaluuseritikkumasat allaganngorlugit nassiunneqassapput siulersuisuneeriissallutillu kingusinnerpaamik ataatsimeersuarnissaq ullunik qulinik sioqqullugu.
- 11.1.6 ataatsimeersuarneq ilassutit nittartakkatigut ingerlanneqarsinnaavoq.

11.2 OQALUSERISASSAT

- 11.2.1 Ileqquusumik ataatsimeersuarnermi oqaluuserisassat makkuninnga imaqqassapput:
1. Aqutsisussamik qinersineq.
 2. Ukiumi qaangiuttumi peqatigiiffiup suliai pillugit siulittaasup nalunaarutaa.
 3. Naatsorsuutit kukkunersioriikkat akuerisassanngorlugit siulersuisunit saqqummiunneqarnerat.
 4. Ilaasortanngornermut akiliutissap angissusissaata, ukiumoortumik akiliutissap, angalaarfiup nalaani angallammut inissiiffimmi atornermut akiliutip aalajangiiffinerat kiisalu missingersuusianik akuerisassanngortitsilluni saqqummiussineq, tassani aalajangersaavigineqassallutik ilaasortanngornermut akiliutissap angissusissaa, ukiumoortumik akiliutissaq, angalaarfiup nalaani angallammut inissiiffimmi atornermut akiliutissaq kiisalu akiliisitsissutissaq.
 5. Siunnersuutaajunnartunik suliarinnineq.
 6. Siulersuisunut ilaasortassanik sinniisussanillu qinersineq, siulittaasussamik

qinersineq.

7. Ajornanngippat siulittaasup siulersuisunullu ilaasortat sinnerisa aningaasanik pisassaannik aalajangiineq.

8. Kukkunersuiusussamik qinersineq.

9. Tamalaat.

11.2.2. Ataatsimeersuarneq aqutsisumit siulersorneqassaaq apeqqutinik ataatsimeersuarnerup siulersorneqarluni aquneqarneranut tunngasunut tamanut taasisitsinernullu aalajangiisartussaq. Aqutsisoq siulersuisunut ilaasortaassanngilaq.

11.2.3. Ataatsimeersuarnermi oqaaserineqartut ataatsimeersuarnermi allattaavinnut allanneqassapput aqutsisumit siulersuisunilu ilaasortanit najuuttunit atsiorneqartussamik.

11.3 TAASISINNAATITAANEQ AALAJANGIINERILLU

11.3.1 Ilaasortaq ataaseq taasisummik ataatsimik ataatsimeersuarnermi naleqarpoq, nal. imm. 4.7-imi tapersersuisutut ilaasortat pillugit.

Ataatsimeersuarnermi pisinnaatitsissummik allagartaqarluni taaseqataasoqarsinnaavoq. Pisinnaatitsissut ilaasortamut ilaasortalluunniit aappaanut inooqataanulluunniit tunniunneqarsinnaavoq. Pisinnaatitsissutit annerpaamik tallimat inuup ataatsip taasisutigisinnaavai.

11.3.2 Ataatsimeersuarnermi nalinginnaasumik amerlanerussuteqarneq tunngavigalugu aalajangiisqartarpoq, malittarisassani immikkut piumasaaqatitaqartumik amerlanerussuteqarneq eqqaassanngikkaanni, naleqq. imm. 16 aamma 17. Taasisut amerlaqatigiippata siunnersuut pineqartoq piissaaq.

11.3.3 Ataatsimeersuarneq aalajangiinissamut atorsinnaatitaassaaq ilaasortat taasisinnaatitaasut ikinnerpaamik 50-it najuuppata imaluunniit pisinnaatitsissuteqartoqarsimappat, malittarisassat matumaniittut allamik piumasaaqaataat eqqaassanngikkaanni.


11.3.4 Taasineq nappaasitsinikkut pissaaq. Allalluni taasineqassaaq ilaasortat takkussimasut qulit ataatsimeersuanermilluunniit aqutsisup tamanna piumasaaqatigippagu. Taasinerit pissapput nammineq najuunnikkut, inummit atsiorsinnaatitaasumit imaluunniit allakkatigut piginnaatitaanikkut.

11.3.5 Taamaallaat peqatigiiffimmut ilaasortat, ilaasortat nuliaat / aappaat pisinnaatitsissummilluunniit pigisaqartut, kiisalu peqatigiiffiup kukkunersuisui siunnersortaasullu allat, siulersuisut aalanjangeratigut peqatigiiffiup ataatsimeersuarnerani najuussinapput. Siulersuisut piumasaaqarsinnaapput, ilaasortaanermut allagartamik akiliisimanermulluunniit uppersaammik iserlernermi takutinneqarsinnaasumik. Siulersuisut ataatsimeersuarnissamut immikkut isissutissanik piumasaaqarsinnaapput angallataatigatigiiffiup allaffiani imaluunniit isilernermi tunniunneqartussamik.

11.4 IMMIKKUT ITTUMIK ATAATSIMEERSUARNEQ

11.4.1 Siulersuisut imaluunniit ikinnerpaamik peqatigiiffiup ilaasortai 100-t, ataqqinaammik ilaasortat ilanngullugit, piumasarisinnaavaat kingusinnerpaamik ullut 21-t qaangiutsinnagit, sivikinnerpaamillu ullunik 14-inik sioqqutsisumik ilisimatitsissuteqarnikkut, immikkut ittumik ataatsimeersuariaqqusisoqassasoq. Apeqquteqaateqarnermigut ilaasortap pisinnaatitaaffigaa peqatigiiffik qassinik ilaasortaqarnersoq paasissallugu.

11.4.2 Immikkut ittumik ataatsimeersuaqqusinermit noqqaassut allakkatigut



siulersuisunut saqqummiunneqassaaq qanorlu ingerlanissaanik tunngavilersukkamik ilaqartinneqarluni, kiisalu uppersaatitaqartariaqarpoq imm. 11.4.1-ip oqaaseqatigiittai suilliit naammassineqarsimasut. Immikkut ittumik ataatsimeersuarneq Nuummi ingerlanneqassaaq allakkatigullu ilaasortanut tamanut nalunaarutigineqassalluni aamma illoqarfiup tusagassiutaasigut ilisimatitsissuteqarnikkut.

12.0 SIULERSUISUT

12.1 Peqatigiiffik siulersorneqassaaq arfineq-malunnik ilaasortaqtumik. Peqatigiiffimmi ulluinnarni aqutsineq siulersuisunit ingerlanneqassaaq. Siulersuisut peqatigiiffiup avammut iluminilu pisariaqartitai nakkutigissavaat. Taakkununga ilagitillugu siulersuisut peqatigiiffiup sulisuisa ingerlatsinerat nakkutigisarissavaat.

12.2. Siulersuisuni ilaasortat ukiut marlukkaarlugit qinerneqartassapput, malittariillutik ukiut tamaasa siulersuisut akornanni pingasut, kingornalu pingasut qinigassanngortissinnaassallutik.

12.3 Taassumalu saniatigut siulersuisuni sinniisussat ukiumut ataatsimut atuuttussamik marluk qinerneqartassapput.

12.4 Siulersuisuni ilaasortat sinniisussallu tamarmik qinigassanngorteqqissinnaatitaapput.

12.5 Siulersuisut akunnerminni siulittaasup tullissaanik, aningaaserisussamik allatsissamillu ileqquussamik ataatsimeersuarnerup kingorna ataatsimiinnerminni siullermi qinersissapput. Ataatsimeersuarnermi siulittaasutut qinigaasoq siulersuisunit tunuassagaluarpat imaluunniit allakkut ingerlannissaa kissaatigiunnaarpat, imaluunniit kingusinnerusukkut siulittaasuumajunnaarpat, siulersuisut sinnerisa akunnerminni (tullianik ileqquussamik ataatsimeersuarneq tungaanut atuuttussamik) siulittaasussaq nutaaq qinissavaat.

12.6 Siulersuisut suleriaasissaminnik ilusiliinermikkut siulersuisut suut suliarissagaat aalajangiutissavaat. Suleriusissamik akuersisoqarnissaanut piumasaavoq siulersuisut atasut amerlanerussuteqarlutik aalajangiussaqaarnissaat.

12.7 Siulersuisut aalajangiisinnaassuseqarput siulersuisuni ilaasortat ikinnerpaamik tallimat najuuppata.

12.8 Siulersuisuni suliaasat suliarineqartut aalajangiiffigineqartassapput nalinginnaasumik amerlanerussuteqarneq tunngavigalugu.

Pisinnaatitsissuteqarneq atorlugu taasisoqarsinnaangilaq.

12.9 Siulersuisut minnerpaamik ukiup sisamararterutaanut ataasiarlutik ataatsimiittassapput, allakkulli aamma pisariaqartitsineq naapertorlugu.

12.10 Siulersuisuni ataatsimiinnerit allattaavinnut imaqarniliorneqartassapput siulersuisunit tamarmiusunit atsiorneqartussamik. Siulersuisunut ilaasortat ataatsimeeqataannigut atsiorlutik nalunaaruteqartassapput imaqarniliaq atuarsimallugu.

12.11 Siulersuisunut sinniisussat siulersuisut ataatsimiinnerannut peqataanissamut pisussaataaangillat, siulersuisulli aalajangerpassuk aatsaat peqataasinnaatitaapput. Siulersuisunut sinniisussat oqaaseqarsinnaatitaassapput, taasisinnaatitaassanatilli.

12.12 Siulersuisut ataatsimiititalianik pilersitsisnaapput, kisianni umiatsialiveqarfimmut ataatsimiititaliortussaallutik. Ataatsimiititaliat sulerusissaat suliaasallu siulersuisunit aalajangersarneqartassapput,

ataatsimiititaliat suliarninnik siulersuisut ingerlaavartumik ilisimatittassavaat.

12.13 Ataatsimiititaliani siulersuisunit pilersinneqartuni tamani siulersuisut ilaasortaattassaminnik akunnerminnit minnerpaamik ataatsimik toqqaasassapput. Siulersuisut ataatsimiititalianik pilersitaanni siulersuisut avatiminnit ilaasortaattikkumasaminnik toqqaasinnaapput. Ataatsimiititaliat taamaallaat siunnersuisutut inissisimassapput.

12.14 Peqatigiiffiup ingerlanneqarnissaanut sulisussat pisariaqartinneqartut siulersuisut atorfinitsissavaat aamma angallataatileqarfiup pisortaanik atorfinitsissapput. Sulisut atorfeqartitat akissarsiassa atorfinititaanerini atugassa at isumaqatigiissusiornikkut aalajangersarneqassapput.

12.15 Siulersuisuni ilaasortat ukiumoortumik aningaasariaqartinneqarsinnaapput angissusissaa siulersuisunit innersuussutigineqartumik, kisianni ataatsimeersuarnermi aalajangerneqartumik.

12.16 Aningaasartuutit, siulersuisuni ilaasortatut sulinermut attuumassuteqartut, naapertuuttumik uppersaasiinikkut ingerlaavartumik aningaasartuuteqarsimasunut utertinneqartassapput.

12.17 Siulersuisut Kommuneqarfik Sermersooq Havne-rådiani peqatigiiffiup aallartitassaanik taassumalu sinniisissaanik toqqaasapput.

13.0 ATSIORSINNAATITAANERMI MALERUAGASSAT

13.1 Peqatigiiffik sinnerlugu atsiorsinnaatitaapput peqatigiiffimmi siulittaasoq siulersuisuni ilaasortaq ataaseq peqatigalugu imaluunniit siulersuisuni ilaasortanit sisamaasunit atsiogatigiittunit, malittarisassat matumaniittut allamik piumasaaqaataat eqqaassanngikkaanni.

13.2 Pigisanik nalilinnik pisinermi, tunisinermi aamma taarsigassarsianut sallunaveeqqusiinermi siulersuisuni ilaasortat tamarmiusut atsiortuussapput. (Peqatigiiffiup pigisaanut nalilinnut aalajangiiffiginnittussaasuseq ataatsimeersuarnermiippoq).

14.0 PEQATIGIIFFIUP PISUSSUTAI AKISUSSAASSUSEQARFIGINNINNERLU

14.1 Peqatigiiffiup pisussaaffiit peqatigiiffiup aningaasaatai kisimik atornerqarsinnaapput. Ilaasortat peqatigiiffiup pisussaaffiit inuttut namminneerlutik akisussaannngillat.

14.2 Peqatigiiffiup aningaasat tigoriaannaatai aningaaserivimmut inissinneqassapput.

14.3 Siulersuisunit tamarmiusunit isumaqatigiissutaappat piginnaatitaaffiliisoqarsinnaavoq allaffimmi sulisumut atsiornermigut peqatigiiffiup aningaasaataanik tigoriaannarnik atuisinnaanissamut annerpaamik 5000 kr tungaanut akiligassanut, taannalu taamaallaat pisinnaavoq siulittaasumit, siulittaasup tullersortaanit imaluunniit aningaaserisumit peqateqarluni.


15.0 KUKKUNERSIUNEQ AAMMA UKIOQ NAATSORSUIFFIK

15.1 Peqatigiiffiup ukiumut naatsorsuiffia 1/12-imiit 30/11-uvoq.

15.2 Peqatigiiffiup naatsorsuutai kukkunersiuisumit pisortanit akuerisamit kukkunersiorneqartassapput ileqqusumik ataatsimeersuarnermi ukiut ataasiakkarlugit atasusanngorlugu qinerneqartartussamit.

Qinigaaqqittoqarsinnaavoq.

15.3. Naatsorsuutit inernerit qanoq issutsimik takussutissartallit ilaasortanut



tunniunneqanngikkunik taakkuninnga misissorneqarsinnaasunngorlugit peqatigiiffiup allaffiani ileqqusumik ataatsimeersuarnissaq kingusinnerpaamik ullunik 21-nik sioqqullugu saqqummereersimassapput, naleqq. imm. 11.1.2 aamma 11.1.4.

16.0 MALITTARISASSANIK ALLANNGUINEQ

16.1 Malittarisassanik allannguisoqarsinnaavoq aatsaat ikinnerpaamik ilaasortat taasisinnaatitaasut 1/12-iinik amerlassuseqarlutik ataatsimeersuarnermi najuuppata, ikinnerpaamillu ilaasortat najuuttut 2/3-iisa allannguinissaq akuersissutigippassuk.

16.2 Ilaasortat taasisinnaatitaasut 1/12-ii ataatsimeersuarnermi najuutinnippata, kisiannili najuuttut akornanni amerlanerussuteqartut siunnersuummut akuersippata siulersuisut immikkut ittumik ataatsimeersuarnermut, kingusinnerpaamik siunnersuutip atortussaatinneqannginneraniit sapaati-akunnerisa arfinillit qaangiutinnginneranni pisussamut, aggersaasinnaapput, tassani siunnersuutaasoq allanngortinneqarani saqqummiunneqartoq akuerineqarsinnaassalluni, ikinnerpaamik taasisinnaatitaasut najuuttut 2/3-iisa akuersissutigippassuk.

17.0 PEQATIGIUFFIMMIK ATORUNNAARSITSINEQ

17.1 Peqatigiuffimmik atorunnaarsitsisinnanermut piumasaavoq ataatsimeersuarnermi ilaasortat taasisinnaatitaasut ikinnerpaamik 2/3-inik amerlassuseqartut peqataanerat, ikinnerpaamillu ilaasortat najuuttut siunnersuut ikinnerpaamik 2/3-iisa akuersissutigippassuk.


17.2 Peqatigiiffiup ilaasortaasa 2/3- ii ataatsimeersuarnermi najuutinnippata atorunnaarsitsinissamilli siunnersuut najuuttut taakku akornanni nalinginnaasumik amerlanerusunit akuersaarneqarluni, siulersuisut immikkut ittumik ataatsimeersuariaqqusisinnaapput, siunnersuutaasorlu tassani allanngortinneqarani aalajangiiffiqarsinnaavoq, taasisinnaatitaasut najuuttut ikinnerpaamik 3/4-iisa siunnersuut akuersissutigippassuk.

17.3 Taamatut immikkut ittumik ataatsimeersuariaqqusineq pissaaq siunnersuutip akuersissutigineqarluni siullermeersumik ataatsimeersuassutigineqarnerata kingorna sapaatip-akunneri arfinillit qaangiutsinnagit.

17.4 Peqatigiuffimmik atorunnaarsitsineq akuersissutigineqarpat, peqatigiiffiup pigisarisinnaasai siunertanut ajunngitsuliornernut ataatsimeersuarnermi aalajangiussat naapertorlugit atugassanngortinneqassapput. Peqatigiiffiup atorunnaarsinneqarnerani ilaasortat peqatigiiffiup pisuussutaanik pissarsitinneqassanngillat.

Taamatut akuersissutigineqarput Nuup Katersortarfiani - 9. apriliimi 2005-imi ataatsimeersuarnermi.

Ataatimeersuanermi marts-ip 18-iani 2006 malittarisassat -allanguuteqanngillat.



Ileqqusumik ataatsimeersuarnermi 8. marts 2008-mi Nuup katersortarfiani ingerlanneqartumi, ataatsimeersuarnermi peqataasut ikippallaarneranik pissuteqartumik aaliangiisinnaassuseqannginnerat pissutigalugu akuerineqarpoq immikkut ittumik ataatsimeersuartsineqassasoq. Tamanna ingerlanneqarpoq 12. april 2008 peqatigiiffiup illuutaani, tassani malittarisassat allannguuteqartinneqarlutik.

Aqutsisoq: Knud Østergaard

Immikkut ittumik ataatsimeersuarnermi 12. april 2008 ingerlanneqartumi imm. 8.2.5, 10.2.1, 16.1, 16.2 allanngortinneqarput.

Ataatsimeersuarnermi 4. april 2009 ingerlanneqartumi imm. 7.4, 8.2.10 aammalu 9.2 allanngortinneqarput.

Aqutsisoq: Knud Østergaard

Ataatsimeersuarnermi 6. marts 2010 ingerlanneqartumi imm. 4.1, 4.2, 5.2, 5.5, 10.1, 15.1 allanngortinneqarput.

Aqutsisoq: Knud Østergaard

Ataatsimeersuarnermi 12. februar 2011 ingerlanneqartumi imm. 7.1, 7.2, 14 aammalu 11.1.5 allanngortinneqarput.

Aqutsisoq: Gedion Jeremiassen

Ataatsimeersuarnermi 11. februar 2012 ingerlanneqartumi malittarisassani allannguisoqanngilaq.

Aqutsisoq: Stephen Heilmann

Ataatsimeersuarnermi februarit 16-iani 2013 ingerlanneqartumi malittarisassat imm. 7.4 aammalu 11.1.5. allanngortinneqarput.

Aqutsisoq: Stine Skifte.

Ataatsimeersuarnermi marts-ip 8.-ani 2014 ingerlanneqartumi malittarisassat imm. 7.2 aammalu 12.2 allanngortinneqarput.

Aqutsisoq: Jensêraq Poulsen.

Ataatsimeersuarnermi februar-ip 20.-ani 2016 ingerlanneqartumi malittarisassat imm. 8.1.4 allanngortinneqarpoq.

Aqutsisoq: Jensêraq Poulsen



Immikkut ataatsimeersuarnermi maj-ip 4.-ani 2022 ingerlanneqartuimi malittarisassat §§ 4.3, 4.4, 4.7, 5.4, 5.5, 7.7, 8.1, 8.3.2, 8.3.5, 11.1.4, 16.1, 16.2 allanngortinneparput.

Malittarisassat §§ 8.3.9, 11.1.6 ilanngunneqarput.

Aqutsisoq Miki Lynge.